



UNIVERSITÄTS-
BIBLIOTHEK
PADERBORN

Nicolai Svsi E Societate Iesv Opvscvla Litteraria

Suys, Nicolas

Antverpiae, 1620

I. Ad Iambum.

[urn:nbn:de:hbz:466:1-69342](https://nbn-resolving.org/urn:nbn:de:hbz:466:1-69342)

ANACREONTÆI LVSVS.

I. Ad Iambum.

Iambe, mi tenelle,
 Venustule ô Iambe,
 Quem blasulo fritinnit
 Anacreon susurro!
 Quàm promptus obsequensq;
 Olim mihi fuisti,
 Meum anteire nutum
 Pede estuans volucris
 Per floridos Hymetti
 Saltus, thymumq; odorum,
 Quâ garrula pererrant
 Apes, domosq; conduunt,
 Penumq; melle stipant:
 Frondosa perq; Tempe
 Amica regna veris,
 Et Chloridos cubile,
 Quæ Peneus deserto
 Perambulat susurro:
 Perq; insulas remotas,
 Sed insulas beatas,
 Quâ blandiore celo
 Ceresq; sponte crescit,
 Bacchusq; sponte crescit,
 Purumq; crescit aurum.
 Quàm sæpè peruolavi

P

Festina

Festiua prata tecum,
 Et roscidas per herbas
 Venustulo repleui
 Manus sinusq; flore,
 Queis Virgini corollam
 Bellissimam corollam
 Contexerem Maria.
 Iam rursus hanc opellam
 Te flagito, ô Iambe.
 Noli, proterue, noli
 Recalcitrare votis.
 Morose, quid renides?
 Nostra hoc neges puella,
 Sanctissima puella,
 Cultissima puella?
 Caue, caue negare:
 Nimis puella bella est.

II. Columba.

Tenella quid columba,
 Primâ albior pruinâ,
 Niuisq; flore primo;
 Cui plumula serenum
 Dorsi natant per equor
 Gemmâ politiores,
 Pedesq; concha tingit,
 Coralliumq; rostrum.
 Tenella quid columba
 Per hispido vagaris
 Dumos, vepresq; ruris,

Et